

Henry Barrera docente na Pius X

Con ta yuda muchanan cu dificultad pa siña



ORANJESTAD—En conexion cu dia internacional di maestro nos di Bon Dia Aruba entrevista cabesante di diferente school na Aruba. Aki nos a dicidi di entrevista un maestro cu ta traha hopi duro pa su muchanan y cu tin un yamada pa ta un educador. Sr. Henry Barrera, cu ta bisa cu e retonan tin diferente cu maestronan tin awendia ta hopi grandi. E por parti e responsabilidad den dunamento di les y e parti social. Famianan no tin e recurso, anto e ora e maestro tin cu percura cu e mucha tin un bon ambiente y laga e mucha sinti sigur y duna e alumno un bon calidad

di les cu ta adecuado. Docente Henry Barrera a nace cu un don y a haya guia adecuado na IPA for di Drs. Mervinee Kock, con pa yuda mucha cu dificultad di siñamento.

SR. BARRERA A PROFUNDISA DEN JUDA MUCHANAN DEN DIFICULTAD

Por tin dos factor cu tin di haber cu e mucha su capacidad, e prome parti e mucha por a nace cu un deficiencia y e di dos parti e mucha por tin un problema social. Laga bisa cu e mayor no tin un linea di internet y no tin un computer. E ora e maestro e school tin

cu yuda e mucha den e partinan ey. E parti cu Sr. Barrera a profundisa su mes mas y ta dedica y a siña mas aden ta e materianan aki, muchanan cu dificultad pa siña.

RECOMENDACION

Locual Sr. Barrera ta recomenda e personanan cu ta studiando na IPA y su coleganan pa habri nan portanan, busca mas pa sa, pa por yuda e muchanan mas aleu. Locual cu Sr. Barrera ta haci por ehempel cu muchanan cu no ta haci huiswerk na cas, paso nan no por haci e huiswerk na cas, of no por su so dedica extra ora pa yuda e mucha. Pero esaki ta keda na cada docente pa haci.

HACIMENTO DI HUISWERK

Pakico un mucha ta haya huiswerk? Esaki ta keda pa e mucha haci na cas y siña responsabilidad y dominio propio, awor si e mucha door di problema social no por haci su tarea na cas, Sr. Barrera como docente cu ta bay un extra miya ta keda despues di school pa yuda e mucha of bin un diasabra of den siman anochi, pa yuda e muchanan. Sr. Barrera ta parti su oranan liber pa e yuda e mucha den e parti cu e ta zwak.

CON TA JUDA UN MUCHA CU POTENCIAL PERO TOCH TA ZWAK

Si e mucha su potencial ta grandi y sinembargo su prestacion ta abou, con ta haci pa mehora e mucha su prestacion. Sr. Barrera ta parti esaki den tres. E maestro, e mucha, e mayor. Ta stempel un mucha hopi trempa. Sr. Barrera no ta kere den esaki!. E docente Barrera ta wak e muchanan prestacion for di prome klas te cu 6 de klas con su puntanan ta. Eynan ta haci un analisis profundo, anto Sr. Barrera ta uza un para meter cu no tin nada di haber cu enseñansa. E ta uza locual tempo cu el a traha den banco, cual ta haci hopi prueba. Asina ta haya e ora unda e mucha ta pega. E extra training cu Sr. Barrera a haya for di juf. Drs. Mervinee y su propio experiencia e ta pone den practica y yuda subi e mucha su prestacion. Tambe e ta traha su plan di actua y yuda cada mucha, cual ta trece hopi exito.

UN MUCHA FRUSTRADO

Un mucha cu semper ta haya mal punta ta frustra e no tin gana di studia. Pero ora cu e mucha cuminsa haya bon punta e ta cuminsa bira motivada. Pesey tur aña e ta haci un tabel di tempo y un time management cu e muchanan. Cu e ta parti rond, cu ta un rooster pa haya sa kico e mucha ta haci despues di school. Kico nan ta haci cada ora na cas, sea ta

sport, wak TV of huiswerk. For di esaki ta saca e averahe di ora cu e mucha ta dedica na huiswerk, cu ta 30 min so di les na cas. E ora e como docente ta bisa e mucha cu pa 30min so di dedicacion e mucha ta haya un 4 of un 5. Pero si e mucha dedica mas ora na les na cas. E puntanan lo ta mas halto.

Ta pone e mucha compronde e logica. Asina na final ta stimula e muchanan cu nan ta bay padilanti. E exito di meneer Barrera cu e alumnonan ta halto. Pasobra e kier pa e mucha bay enseñansa avansa bon ekipa. Meneer Barrera no por papia di porcentahe pero e por bisa si cu for di un klas 7 pa 8 mucha ta bay havo 2 pa 3 mucha so ta bay EPB, paso atrobe e mes ta pusha hopi duro.

Ora e muchanan bay EPB e ta bay un nivel 1 of 2 y nan no ta drop out. Y ora e muchanan bay Mavo nan ta keda y esun cu bay Havo ta bay hasta VWO despues, esaki segun locual meneer Barrera ta comprende. Por ultimo Meneer Barrera ta desea tur su coleganan hopi pabien y aunke nan como maestro, no ta haya e gratitud y cu hende ta kere cu nan t'ey djis pa cobra un salario. Mester ta di e conviccion cu nan ta den veld pa traha duro y si traha duro ta hiba Aruba dilanti, cu mucha bon educa. □